

 IBARRAKO UDALA GIPUZKOA - EUSKAL HERRIA	Espedientea: / Expediente:	DIRULAGUNTZA IZENDUNA 15.000 ARTE 2025WDI10001
	Sarrera-erregistroa.: / Registro de entrada:	000551 - 2025/01/29
	Titularra: / Titular:	IBARRAKO MERKATARIEN ELKARTEA
	Ordezkarria: / Representante:	ROMERO CANALES AMPARO
	Gaia: / Asunto:	Internet bidezko erregistroa: MERKATARI ELKARTEARI DIRU LAGUNTZA 2025

IBARRAKO UDALAREN ETA MERKATARI ELKARTEAREN ARTEKO LANKIDETZA HITZARMENA

Ibarran, 2025eko maiatzaren 9an.

ELKARTURIK

Alde batetik, Nekane Lazkano Prieto, Ibarra Udaleko alkateordea, IFK P2004500A, Ibarra Udaleko idazkariak lagunduta, Jon Zalduendo Telleria.

Eta bestetik, Maria Amparo Romero Canales andrea, Merkataria Elkartearen lehendakaria. Elkartearen egoitza soziala: Euskal Herria 4 kalean duena, IFK: G-20681078.

ESKU HARTZEN DUTE

Lehenengoak, Ibarra Udalaren izenean eta ordezkartzan, Toki Araubidearen Oinarriak arautzen dituen apirilaren 2ko 7/1985 Legearen 21.1.f) artikulua xedaturikoaren arabera.

Bigarrenak, Merkataria Elkartearen izenean eta ordezkartzan, lehendakari gisa, 2024ko apirilaren 17an, Gobernantza Publiko eta Autogobernu Sailari atxikitako Euskal Autonomia, Erkidego Elkartearen Erregistro Orokorra egiaztatutakoaren arabera.

Bi aldeek hitzarmen hau egiteko behar adinako legezko gaitasuna aitortzen diote elkarri, eta ondorio horretarako

AZALDU DUTE

I.- Merkataria Elkartea, Udal honetan aurkeztutako idatziaren bidez —sarrera erregistroko 2025-000551 zenbakiarekin- 2025 ekitaldian ekintzak gauzatzeko diru laguntza eskaera aurkeztu du, Ibarra Udalaren Diru laguntzen Ordenantza Orokorra xedatutakoarekin bat etorriz. Memoria honek 27.066,5 euroko guztizko aurrekontua du, diru laguntza eskaeraren helburu diren ondorengo jarduerak gauzatu ahal izateko, eta laguntza hori hitzarmen honen bidez emango da. Jarduerak:

1. UDABERRI ETA UDAZKEN BONO KANPAINAK: Herritarrek herrian erosi dezaten sustatzeko bonoak aterako dituzte: bezeroak 20€ ordainuz 30€ izango ditu gastatzeko kanpainara atxikitzen diren saltokietan.

Kanpainaren egutegia honakoa izango da:

- Udaberria: Apirilak 1etaik ekainaren 20ra arte.
- Udazkera: Irailak 30etik abenduaren 1era arte.

2. GABONAK. Merkatariek urtean izaten duten salmentarik handiena suposatzen du gabonetan. Hortaz, kanpaina berezia egitea aurreikusten da, baina zehazteke dago.

Halaber, kaleak apaintzeko helburuarekin eguberritako argiak alokatuko dira. Guztizko aurrekontuaren erdia merkatarik elkartek bere gain hartuko du.

II.- Entitateak egunean dituela zerge-betebehar guztiak eta egunean dagoela Gizarte Segurantzarekin.

III.- Entitatea ez dagoela 38/2003 Legeak, azaroaren 7koak, Diru laguntzei buruzkoak, bere 13. artikuluko 2. eta 3. zatietan diru-laguntzak jasotzeko adierazitako debeku-ausaren baten pean.

IV.- Bere estatutuekin bat etorritik, entitate eskatzailearen xedea bat datorrela hitzarmen honen bidez emango den diru laguntzaren xedearekin eta helburuekin.

V.- Ibarako Udalaren 2025eko udal aurrekontuan, 1 08.431.00.481.01 partida agertzen dela, 10.000 euroko zenbatekoarekin, entitate eskatzailearen diru laguntza izendunaren kontzeptuaren pean.

VI.- 7/1985 Legeak, Toki Araubidearen Oinarriak arautzen dituenak, bere 25. artikuluan honela dioela: "Udalerriak, bere interesak kudeatzeko eta bere eskumenen esparruan, auzo-erkidegoaren beharrak eta nahiak betetzen lagundu dezaketen jardura-mota guztiak bultzatu eta nahi adina zerbitzu publiko egin ditzake.

Hain zuzen ere, Lege horren 25.2.h) artikulua, udalen eskumenen artean, eskumen hau jasotzen duela: **Tokiko turismo-jardura interesgarriari buruzko informazioa eta sustapena**. Eskumen hau Udalaren berezko eskumenen artean dago eta merkatarik elkartek Ibarako herrian bertako merkataritza sustatzea du bere helburu nagusien artean.

VII.- Hitzarmen hau ematen dela lege-arau hauen babesean: 40/2015 Legea, urriaren 1koa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzko lege orokorra eta 887/2006 Errege Dekretua, azaroaren 21koa, hura garatzen duen Erregelamendua onartzen duena; eta Ibarako Udalaren Diru-laguntzen Ordenantza Orokorra.

VIII.- Diru laguntza izendun hau, Ibarako Udalak 2024ko martxoaren 21ean onartutako Ibarako Udaleko Diru laguntza Plan Estrategikoan (2024-2027) jasota dago (GAO, 76.zk, 2024ko apirilaren 19an argitaratua), diru laguntza izendun moduan, eta beraz, ez da norgehiagoka prozedurarik egingo diru laguntza emateko.

IX.- 153/2025 Alkate Dekretuari jarraiki, diru laguntza hau kudeatzeko organo eskuduna Nekane Lazkano Prieto alkateordea izango da.

X.- Aipatu diru laguntza hau Diru laguntzen Datu Base Nazionalen (BDNS) argitara emango da.

Eta ados daudenez, bi aldeek hitzarmen hau formalizatzen dute, ondoren zehazten diren klausulak ezarritik.

KLAUSULAK

Lehenen.- Xedea.

Hitzarmen honen helburua da Ibarako Udalaren eta Merkatarik Elkarteen arteko lankidetzarako eremu egonkor bat ezartzea Ibarako udalerriaren barruan, honako arrazoiengatik:

- ✓ Herrian dagoen merkatarik elkartek bakarrik delako.
- ✓ Herri bizia mantentzeko ezinbestekoa delako, herritarrek herrian bertan erosteko aukera ematen baitu, beste herriren batera lekualdatu gabe.

- ✓ Bertako produktuak bultzatzeko herriko eragile aktiboa delako, gertutasuna bermatuz.

Bigarrenena.- Diruz lagundu daitezkeen jarduerak.

Hitzarmen honen eremuan honako jarduera hauek sartzen dira:

1. UDABERRI ETA UDAZKEN BONO KANPAINAK: Herritarrek herrian erosi dezaten sustatzeko bonoak aterako dituzte: bezeroak 20€ ordainduz 30€ izango ditu gastatzeko kanpainara atxikitzen diren saltokietan.

Kanpainaren egutegia honakoa izango da:

- Udaberria: Apirilak 1etaik ekainaren 20ra arte.
- Udazkena: Irailak 30etik abenduaren 1era arte.

2. GABONAK. Merkatariek urtean izaten duten salmentarik handiena suposatzen du gabonetan. Hortaz, kanpaina berezia egitea aurreikusten da, baina zehazteke dago.

Halaber, kaleak apaintzeko helburuarekin eguberritako argiak alokatuko dira. Guztizko aurrekontuaren erdia merkatarik elkarrekin bere gain hartuko du.

Hirugarrena.- Diruz lagundutako jardueren finantziaketa.

Ibarrako Udalak hartuko du parte hitzartutako jardueren finantziaketan diru laguntza baten bidez. 2025eko ekitaldian, aurrekontu-baliabide horiek **10.000 euro**koak izango dira, 1 08.431.00.481.01 2025 Udal Aurrekontuetako partidaren kargura; dena dela, diruz lagundutako elkarteak beste Erakunde batzuen diru laguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira diru laguntzaren zenbatekoaren azken zehaztapena egiteko, zenbateko hori proiektu edo jardueraren azken kostuaren portzentaje bat bezala kalkulatu da eta inoiz ezingo du emandako zenbatekoa gainditu. Kasu horretan, Ibarrako Udalak egindako balizko finantzazioaren soberakina kalkulatu da ekarpen horrek kostu osoaren aldean duen portzentajea erreferentzia gisa harturik.

Diru laguntza hau bateragarri izango da helburu bereko beste diru laguntza, laguntza, sarrera edo baliabide batzuekin, edozein administrazio edo entitate publiko edo pribatu nazionalatik, Europar Batasunetik edo nazioarteko erakundeetatik datozenak, kalterik egin gabe honekin batera dauden beste diru laguntzak erregulatzeko araudiak horri buruz agindu dezakeena.

Gerta daitezkeen aldi bereko finantzaketa-kasuak honako baldintza hauek bete beharra daukate:

- a) Emandako diru laguntzaren zenbatekoak ezin du inola ere gainditu, beste diru laguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jardura finantzatu duten beste sarrera edo diru laguntzen zerrenda zehatz bat, zenbatekoak eta beren jatorria adierazita daudela.

b) Finantziazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie diru laguntzak eman dituzten entitateei, entitate horietako bakoitzak emandako diru laguntzen proportzioan.

Hala ere, baldin eta Ibarako Udala bada finantziaketa-soberakinaz ohartu dena, exijituko du soberakinaren zenbateko osoa itzultzeko, berak emandako diru laguntzaren mugaraino.

Diru laguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Laugarrena.- Indarraldia.

Hitzarmen honek 2025eko urtarrilaren 1etik abenduaren 31ra arte izango ditu ondorioak. Emandako diru laguntza behar bezala erabili dela justifikatu behar zaio ingurumen, merkataritza eta nekazaritza departamentuari, Ibarako Udalaren diru laguntzen Ordenantza Orokorrak xedatutakoaren arabera III: kapitulua.

Bosgarrena.- Diru laguntza jaso dezaketen gastuak.

Diru laguntza jaso dezaketen gastutzat hartzen dira, indarrean dagoen legeriaren eta Ibarako Udalaren Ordenantza Orokorraren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira diru laguntza eman edo hitzarmena onartutako urtearen barruan sortzen diren gastuak.

Diru laguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, diru laguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua diru laguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, diru laguntzarako eskabidean. Proposamen ekonomikorik onena aukeratzen ez denean, espresuki justifikatu beharko dira, memoria baten bidez, erabili diren irizpideak.

Seigarrena.- Diru laguntzaren justifikazioa.

Diru laguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Ibarako Udalaren IIII kapituluan diru laguntzen Ordenantza Orokorraren aurreikusita dagoenaren arabera.

Diru laguntza justifikatuko da «justifikatzeko kontua ordainagiriak aurkeztuta» izeneko modalitateaz, oro har, honako dokumentazio hau duela:

- a) Jarduera-memoria bat, diru laguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren, eta, ahal den neurrian, datu guztiak sexuen arabera banatuta aurkeztuko dira.
- b) Egindako jardueren kostua justifikatzeko 1. Eranskina behar den bezala bete.

Zazpigarrena.- Diru laguntzen justifikazioa aurkezteko epea.

Diru laguntzen justifikazioa aurkezteko epea izango da hilabete bat, jarduera gauzatzeko epea bukatzen denetik kontatuta.

Zortzigarrena.- Ordaintzeko prozedura.

Diru laguntzaren ordainketa egingo da, oro har, diru laguntzaren onuradunak justifikazioa aurkeztu eta organo eskudunak onartu ondoren, beti ere jarduerarengatik eskumenak dituen departamentuak aldeko txostena egin ondoren.

Diru laguntza bi zatitan ordainduko da: lehena hitzarmenaren sinadura burutu ondorengo 30 eguneko epean eta Ogasunarekiko zein Gizarte Segurantzarekiko betebeharrak egunean dituela ziurtatzen duten agiriak aurkeztutakoan, honen zenbatekoa diru-laguntzaren % 70a izango da, eta gainontzeko % 30a, egindako gastua justifikatzen duen kontua Alkate Dekretu bidez onartutakoan. Kitapena 2026ko urtarrilaren 31 baino lehen aurkeztu beharko da.

Betebeharreko baldintza izango da Ibarako Udalak aurretik emandako diru laguntzen justifikazio dokumentazio osoa aurkeztu izana, beste diru laguntza berri batean parte hartu ahal izateko.

Ordainketak Diru laguntzen Datu Base Nazionalari (BDNS) jakinaraziko zaizkio ordaindu eta hurrengo hilabetea bukatu aurretik.

Bederatzigarrena.- Diruz lagundutako jardueraren publizitatea.

Entitate onuradunak diruz lagundutako jardueren publikotasuna zabaltzeko neurriak, diruz lagundutako objektuarentzat egoki direnak, dela beren forman, dela beren iraupenean, nola baitira, esaterako, karteletan, plaka oroigarrietan, inprimatutako materialetan, baliabide elektronikoen edo ikus-entzunezkoetan Ibarako Udalaren irudi instituzionala edo beraren finantziaketa publikoari buruzko legendak sartzea, edo hedabideetan aipamenak egitea, eta hori dena beste finantziaketa-iturri batzuei emandako garrantzia berdinarekin.

Diru laguntza jasotzen duen erakundeak konpromisoa hartzen du Ibarako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

Hamargarrena.- Euskararen erabilpena.

Ahozko informazioa (megafonia...) eta idatzizkoa (kartelak, oharrak...) euskaraz edo elebitan egingo dira, eta azken kasu horretan euskarari lehentasuna emanda, Ibarako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

Hamaikagarrena.- Genero berdintasuna.

Diru laguntzaren onuradunak ezingo dute inolako laguntzarik jaso honako kasuetan:

- Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.
- Sexu edota hizkuntza sexista erabiltzen duten pertsona fisiko edo juridikoak.
- Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.
- Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.
- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

Hamabigarrena.- Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Hamahirugarrena.- Kontrol eta jarraipena.

Hitzarmen honen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Finantza kontrola Ibarako Udalaren Diru laguntzen Ordenantza Orokorraren 48. eta 49. Artikuluetan xedatutakoari jarraiki egingo da.

Hitzarmen honen onuradunak behartuta daude kontrol finantzarioa egiten duten funtzionarioei lankidetzak eskaintzera eta horretarako eskatzen zaizkien agiriak eta beharrezko informazioa eskuratuko diete.

Jarraipen eta kontrol prozesu horretan hitzarmen honetako baldintzak ez direla betetzen ikusten bada, beharrezko neurriak hartuko dira itzulketa egin dadin, eta kasua bada, emandako diru laguntza kobratzeko eskubidea galduko da.

Hamalagarrena.- Lan eta zerga legeria.

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

Hamabosgarrena.- Izaera administratiboa.

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

Hamaseigarrena.- Erantzukizunpeko adierazpena.

Ibarrako Udalaren dirulaguntzen Ordenantza Orokorren 6 artikuluan xedatutakoaren arabera, DLOren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hamazazpigarrena.- Gainerako legeria.

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Ibarrako Udalaren diru-laguntzen Ordenantza Orokorra.

Hemetzortzigarrena.- Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromisoa hartzen dute indarrean dagoen legerian xedatutakoa, aplikatu daitekeen guztian, beteko dutela.

Hemeretzigarrena.- Baimentzea.

Entitate onuradunak espresuki ematen dio baimena Ibarrako Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen bitartez eskatutako diru laguntza lortzeko ezinbesteko baldintzak betetzen direla egiaztatzeko behar diren datuak.

Hogeigarrena.- Gardentasun Ataria.

Hitzarmenaren testua argitaratuko da Gardentasun atarian eta Udaleko Iragarki taulan.

Eta ados daudela adierazteko, hitzarmen hau izenpetzen dute bi aldeek, nire aurrean eta goiburuan aipatutako toki eta egunean; Idazkaria naizen honek fede ematen dut.

ALKATEORDEA

Nekane Lazkano Prieto

Merkatari Elkarteko Lehendakaria

Maria Amparo Romero Canales

15991105X
MARIA
AMPARO
ROMERO (R:
G20681078)

Firmado
digitalmente por
15991105X MARIA
AMPARO ROMERO
(R: G20681078)
Fecha: 2025.05.09
14:29:49 +02'00'

1. ERANSKINA

DIRULAGUNTZA JUSTIFIKAZIO ORRIA

1. ERAKUNDEAREN DATUAK

Erakunde eskatzailea:		IFK	
Helbidea			
Herria		PK	
Tel.		E-posta:	

Arduradunaren izen-deiturak			
Nortasun agiria			
Helbidea			
Herria		PK	
Tel.		E-posta:	

2. PROIEKTUAREN EZAUGARRIAK

Proiektuaren izena (Proiektuaren azalpen laburra)

Proiektu mota

Proiektuaren iraupena			
Hasiera data:		Amaiera data:	

Proiektuaren gai nagusiak (Markatu lau lauki gehienez.)	
Herri nortasuna	Kulturartekotasuna
Ohiturak	Turismo kulturala
Ondarea	Gastronomia
Artea eta kultura	Musika
Historia	Dantza
Animazio soziokulturala	Arte eszenikoak
Aisialdi hezitzailea	Zinema
Besterik (zehaztu):	

Proiektuaren helburu nagusia

--

Jarduera nagusiak

Jardueren hartzaileak

Zehaztu zeintzuk izan diren (sexua, adin tarteak, etab.)

--

Genero ikuspegia. Ezberdintasunak ezabatzeko eta berdintasuna sustatzeko xedea duten helburu eta jarduerak zehatzak

Zehaztu proiektua garatzerakoan nola hartu diren aintzat emakumeen eta gizonen egoera, baldintza, jomuga eta beharrian ezberdinak.

--

3. AURREKONTUAREN LIKIDAZIOA: GASTUAK ETA SARRERAK

Azalpena	Behin-betiko kopurua
SARRERAK:	
Proiektuaren berezko diru sarrerak (publizitatea, baliabide propioak...)	€
Erakunde pribatuen diru laguntzak:	€
Herri erakundeen diru laguntzak:	€
Gipuzkoako Foru Aldundiaren laguntza	€
Eusko Jaurlaritzaren laguntza	€
Beste herri erakundeen laguntza	€
Ibarrako Udala	€
Beste batzu:	€
GUZTIRA SARRERAK	€

GASTUAK	
Pertsonal kontratuak	€
Ordainagiriak (prestación servicios)	€
Fakturak	€
Tiketak (20 eurotik beherakoak)	€
GUZTIRA GASTUAK	€

4. GASTUEN JUSTIFIKAZIOA

Justifikatutako gastuak zehaztuta

MOTA	ZK.	DATA	IGORLEA	JASOTZAILEA	KONTZEPTUA	BEZ-a	IRPF %	KOPURUA
1								
2								
3								
4								
5								
6								
7								
8								
9								
10								
11								
12								
13								
14								
15								
16								
17								
18								
GUZTIRA								

AURKEZTU BEHARREKO JUSTIFIKATUTAKO GASTUEN ZEHAZTASUNEI BURUZKO ARGIBIDEAK

Jarduerak eragindako gastuen zerrenda sailkatua betetzerakoan honako datu hauek zehaztu beharko dira:

1. Mota: Gastua zuritzeko erabiliko den agiria: Nomina, Ordainagiria (recibo), Faktura edo tiketa (20 euro bitarte)
2. Zenbakia: Faktura edo tiketa bada
3. Data: kasu guztietan
4. Igorlea: Faktura eta Tiketetan burutzen duena eta nomina eta ordainagirietan egiten duen elkarte.
5. Hartzailea: Elkarte faktura eta tiketetan eta nomina eta ordainagirietan lana egin duena.
6. Kontzeptua: lana edo gastuaren objektua
7. Bez-a: Faktura eta Tiketen kasuan.
8. IRPFa: Nomina eta ordainagiri kasuan.
9. Kopurua: Elkarrekin ordaindu behar izan duena.
7. Guztira: Kontzeptu guztien batuketa

Aipatutako erakundearen ordezkari legala naizen aldetik, honako hau

Adierazten dut:

Eranskin honetan jasotako datuak egiazkoak direla, deialdi honetako 13. Artikuluak ezarritako betebeharrak betetzen ditudala eta, nolanahi ere, prest nagoela Ibarako Udalaren esku jartzeko jasotako diru-laguntza behar bezala erabili dela konprobatzeko beharrezkoak direnak.

Arduradunaren sinadura eta erakundearen zigilua :

Ibarrako Udala baimentzen dut formulario honen bidez jasotako datuak tratatzeko diru laguntza eskaera izapidetzeko helburuarekin

(x arekin markatu baimentzea)

☐

Izena Abizenak.....

Lekua eta data:n, 2026korenan

LEGE-OHARRA

Datu Pertsonalak Babesteari buruzko abenduaren 13ko 15/1999 Lege Organikoarekin eta Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzko otsailaren 25eko 2/2004 Legearekin bat etorritik, Formulario honetan jasotako datu guztiak Ibarrako udalak jaso eta tratatuko ditu zure **eskaera izapidetzeko helburuarekin**.

Zuk borondatez aurkezturiko eskaera honi Udalak erantzungo dio udal tramiteak zuri errazteko helburuarekin, eta zuk baimen hori **edozein unetan ezeztatu dezakezu**.

Beraz, zuk emandako baimena udalak edukiko du zuk ezeztatu arte edo sortu zeneko helbururako beharrezko izatea utzi arte.

Datuak tratatzeko, Ibarrako Udalak ziurtatzen du egoki diren segurtasun neurri guztiak hartu dituela eta langileei formakuntza eman diela horien pribatizatzea ziurtatzeko, ez galtzeko, gaizki ez erabiltzeko, ez aldatzeko baimenik gabe ez sartzeko edota ez galtzeko, Izaera pertsonaleko Datuen Babeserako araudia betez.

Interesdunak edozein unetan du eskubidea bere datuetara sartzeko, horiek zuzentzeko, ezeztatzeko, aurkaratzeko, mugatzeko eta eramateko. Horretarako eskabidea aurkeztu behar dio Ibarrako udaleko Datuen babeserako ordezkariari San Bartolomé Plaza 2, 20400 IBARRA, edo emaila bidal dezake dbo@ibarra.eus, helbidera, bi kasuetan hau adieraziz:” Gaia: DBLO eskubideak” eta nortasuna egiaztatzeko agiri baten kopia erantsita, araudiak dioena betez.

Bere eskubideak ez direla behar bezala kontuan izan uste badu, arlo horretan eskumena duen agintaritzara jo dezake (Datuen Babeserako Agentzia www.agpd.es)



Sinaduren laburpena / Resumen de firmas	
Titulua / Título:	2025WDI10001-Behin betiko hitzarmena sinatua/Convenio definitivo firmado (IBARRAKO M